



Broj: 05-4064-10/21
Sarajevo, 10.01.2022. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 70. stavovi (1), (4) i (6) Zakona o javnim nabavkama („Službeni glasnik BiH“, broj: 39/14) direktor Agencije za bankarstvo Federacije BiH donosi

ODLUKU

o poništenju postupka javne nabavke radova

I

Poništava se postupak javne nabavke radova na dijelu poslovnog objekta Agencije za bankarstvo Federacije BiH, br. 05-4064/21, obzirom da nijedna od primljenih ponuda nije prihvatljiva.

II

Ovom odlukom stavlja se van snage Odluka o izboru najpovoljnijeg ponuđača, br. 05-4064-7/21 od 02.12.2021. godine, kojom je ugovor dodijeljen najpovoljnijem ponuđaču „Magični kamen“ d.o.o. Sarajevo, za ponuđenu cijenu u iznosu od 18.250,00 KM bez uračunatog poreza na dodanu vrijednost (PDV), što sa uključenim PDV-om iznosi 21.352,50 KM, zbog neispunjavanja uslova iz člana 45. stav (2) tačka d) Zakona o javnim nabavkama.

III

Ova Odluka stupa na snagu danom donošenja i bit će objavljena na internetskoj stranici Agencije za bankarstvo Federacije BiH www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

IV

Za izvršenje ove odluke zadužuje se Odjel za opće i kadrovske poslove pri Sektoru zajedničkih funkcija.

O b r a z l o ž e n j e

Odlukom o pokretanju postupka javne nabavke radova br. 05-4064/21 od 04.10.2021. godine, odobreno je provođenje postupka javne nabavke radova na dijelu poslovnog objekta Agencije za bankarstvo Federacije BiH. Javna nabavka provedena je putem konkurentskog zahtjeva za

dostavu ponuda, a kao kriterij za dodjelu ugovora odabrana je najniža cijena tehnički zadovoljavajuće ponude.

U skladu sa članom 35. Zakona o javnim nabavkama, Obavještenje o nabavci broj: 3010-7-3-165-3-47/21 objavljeno je na Portalu javnih nabavki (ejn.gov.ba) dana 07.10.2021. godine, uz istovremeno upućivanje poziva za dostavu ponude na adresu tri potencijalna ponuđača. Ispravke Obavještenja o nabavci broj: 3010-7-3-165-8-50/21 i broj: 3010-7-3-165-8-51/21 objavljene su 12.11.2021. godine.

Kao krajnji rok za dostavljanje ponuda određen je 19.11.2021. godine u 10:00 sati.

Odlukom o izboru najpovoljnijeg ponuđača u postupku javne nabavke radova na dijelu poslovnog objekta Agencije za bankarstvo Federacije BiH, br. 05-4064-7/21 od 02.12.2021. godine, ugovor je dodijeljen najpovoljnijem ponuđaču „Magični kamen“ d.o.o. Sarajevo, za ponuđenu cijenu u iznosu od 18.250,00 KM bez uračunatog poreza na dodanu vrijednost (PDV), što sa uključenim PDV-om iznosi 21.352,50 KM, dok su ponude ponuđača „Dinalsa“ d.o.o. Sarajevo i „Braća Karić“ d.o.o. Zenica ocijenjene kao neprihvatljive.

U skladu sa poglavljem III tačka 1. – Minimalni uslovi za kvalifikaciju ponuđača, podtačka 1.1. – Lična sposobnost – član 45. Zakona o javnim nabavkama, stav 1.1.1. – Uslovi koje ponuđač mora ispuniti u pogledu lične sposobnosti, definisano je da Ponuđač, u svrhu dokaza o ispunjavanju uslova lične sposobnosti (član 45. stav (1) Zakona), dužan je, u ponudi, dostaviti Izjavu o ispunjenosti iz člana 45. stav (1) tač. a) do d) Zakona, ovjerenu kod nadležnog organa (sud, notar ili općina), u formi i na način koji propisuje Agencija za javne nabavke BiH.

Dalje je tenderskom dokumentacijom definisano da dokaze o ispunjavanju uslova odabrani ponuđač je dužan dostaviti u roku od 5 (pet) dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač moraju biti dostavljeni u originalu ili kopiji ovjerenoj od strane nadležne institucije, te sadržavati potvrdu da je ponuđač u momentu predaje ponude ispunjavao uslove koji se traže TD. U protivnom, smatrat će se da je dao lažnu izjavu iz člana 45. Zakona. Uvjerenja koja je ponuđač dužan dostaviti ne smiju biti starija od 3 (tri) mjeseca računajući od dana dostave ponude.

Izabrani ponuđač u svojoj Ponudi broj 017-011-011/21 od 15.11.2021.godine nije dostavio Uvjerenje kojim se dokazuje ispunjavanje uslova iz člana 45. stav (2) tačka d) Zakona o javnim nabavkama, te je ostala obaveza dostave istog u roku od 5 (pet) dana od dana zaprimanja Odluke o izboru najpovoljnijeg ponuđača.

Dana 13.12.2021.godine izabrani ponuđač „Magični kamen“ d.o.o. Sarajevo je dostavio Uvjerenje br. 02/6/II-16-11-20-11100/21 od 06.12.2021. godine izdano od Uprave za indirektno-neizravno oporezivanje BiH, Regionalni centar Sarajevo u kojem je navedeno da ponuđač na dan 06.12.2021. godine nema dospjelih, a neizmirenih obaveza po osnovu indirektnih poreza, ostalih prihoda i taksu definisanih odredbama člana 1. stav (2) Zakona o sistemu indirektnog oporezivanja („Službeni glasnik BiH“, br. 44/03, 52/04, 34/07 i 4/08) i člana 1. stav (3) Zakona o uplatama na Jedinstveni račun i raspodjeli prihoda („Službeni glasnik BiH“, broj: 55/04, 34/07 i 49/09).

Prema dostavljenom Uvjerenju ugovorni organ nema potvrdu da je izabrani ponuđač „Magični kamen“ d.o.o. Sarajevo u momentu predaje ponude ispunjavao sve uslove navedene u Izjavi iz člana 45. Zakona o javnim nabavkama, obzirom da je dostavljeno Uvjerenje izdato nakon predaje ponude te isto ne sadrži potvrdu da je ponuđač u vrijeme predaje ponude imao neizmirene obaveze po osnovu direktnih i indirektnih poreza u skladu sa važećim propisima u BiH.



Temeljem naprijed navedenog ugovorni organ je utvrdio da izabrani ponuđač „Magični kamen“ d.o.o. Sarajevo u momentu predaje ponude nije ispunjavao sve uslove navedene u Izjavi iz člana 45. Zakona te se njegova ponuda odbacuje kao neprihvatljiva.

U skladu sa naprijed navedenim, ugovorni organ donosi odluku o poništenju postupka nabavke, obzirom da u predmetnom postupku javne nabavke nema prihvatljive ponude za dodjelu ugovora o javnoj nabavci.

U skladu sa naprijed navedenim, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

**DIREKTOR**
Jasmin Mahmužić

Dostaviti:

- učesnicima u postupku;
- a.a.

